


me  
20/12/92


1000

ଅବିନାଶନାମସଂହିତା





M. K. Saita  
Pawaispas  
20/12/92



# শুশ্রূষা

ঐতিহাসিক স্মৃতি



পূর্ণিমা লেইরিক লেইসাং  
জ্যোতি নগর গুয়াহাটি-৭৮১০২১



ବ୍ରହ୍ମାଣ୍ଡ ଗୋପାଳ  
ବ୍ରହ୍ମାଣ୍ଡ ଗୋପାଳ ଗୋପାଳ  
ବ୍ରହ୍ମାଣ୍ଡ ଗୋପାଳ

## ভূমিকা

১৯৬৫ ইংরেজীতে আজি পেয়া ইকরেছু ছন্দর বিশেষ কবিতা আকতাল  
পুংলল নিকুলিল । এরে সময় এহানর ডিগল কবিতা কতহান এপেই  
যৌকরানি নাকরল । ঔতাল আরাক লেরিক আহান নিকালানি মনাছু ।  
আরতা থাইল ঔতাতে করপেখ অয়া থানাং পড়েছে । এতাউ নিকুলানির  
কথা নেয়ছিল । শ্রীমতী নিবেদিতা মুখোপাধ্যায়র উৎসাহ পেয়া প্রকাশ  
করানির সাহস পেইলুতা । কিতাপারা আঠৈ লেরিক এহানর কিতাপারা  
কবিতা আহান ঠিকপেইলে করলে শ্রীমতী নিবেদিতা মুখোপাধ্যায়রে  
নিংসিং অইবাং ।

কবি চাম্পালাল সিংহই কবিতা আহান পত্রিকাংত বিসারেয়া নিকাল  
দেছে । শ্রীমান রমাকান্ত সিংহই প্রেসর কামে দাপদিয়া নিয়াম হিনপেইল ।

শিল্পী কবি শ্রীকান্ত সিংহর সালেদে লেরিক এহান ঙালছেতা । তারে  
ধন্যবাদ দিয়া কামহান সামকরানি না মনাউরি

মোর হাবি সাহিত্যকর্মর সমালোচক বার উৎসাহদাতা ৬/দিলীপ কুমার  
সিংহই লেরিক এহান দেহিয়া নাগেলগা ছুংখ এহান হুদিগংত না সেচতই ।

‘যেবাকা তোর’ কবিতা ঔহান ইংরেজী কবিতা আহানর ভাবানুবাদহান ।  
হাদি হাদিং নিকুলেছিল কবিতা ঔতা সম্পাদকে পরিবর্তন করিয়ার  
বুলতেগা ছন্দ কিতা লালকরে দেছি । ঔতার দায়িত্ব মি লনা তুয়ারতো ।







## সূচীপত্র

কুদই আয়া ৯
পরিচয় ১০, বকুল বনে ১১, মিলন রাতি ১২
ভমালর তলে ১৩, পৌ ১৪
এথুরুম ১৫
ফুল ১৫, হাওন রাতি ১৬, লেইসাবী ১৭
হজাক ১৮, তোর হুরগ মি ১৯
পানা ২০
বসন্তর বার্তন ২১, যানার পরে ২৩, মণি ডাল ২৪
স্মৃতি ২৪, বসন্ত মাপু ২৫
এবাকাউ মেঘ ২৬
আজি তি কিয়াকা ২৭, কিসাদে চিনানি ২৮, বসন্তর গই ২৯
মুংশি ২৯, হুদিগল ৩০, শ্রাবণে ৩১
যেবাকা তোর ৩২, বানা মুংশির কবিতা ৩৩
কই যুগ থায়া ৩৪
বিরহর বাশি ৩৫, হপনে ৩৬
তোর খেলাহান ৩৭, দাম্পত্য ৩৮, মুয়া জনমে ৪১
আমার এ জনম এহান ৪২
জিজিনির এলা ৪৬
গগা রাজার এলা ৪৬
সেনারূপরে নিন্দা করেছি ঔতাবে ৪৬
তোর হুর ৪৭
প্রকৃতির ঠইগং ৪৭, হমাজি মোর ৪৮

# চাপবিহীন

লেখকর আরাআর লেখিক

১. তীর্থ দাস (১৫) ২. তীর্থ দাস (১৬) ৩. তীর্থ দাস (১৭)

লেখাও ফুলগরে

৪. তীর্থ দাস (১৮) ৫. তীর্থ দাস (১৯)

এলার খুৎতল

৬. তীর্থ দাস (২০)

৭. তীর্থ দাস (২১) ৮. তীর্থ দাস (২২) ৯. তীর্থ দাস (২৩)

মেয়াক মেয়াক

১০. তীর্থ দাস (২৪) ১১. তীর্থ দাস (২৫)

কণ্ঠগিরো

১২. তীর্থ দাস (২৬)

১৩. তীর্থ দাস (২৭) ১৪. তীর্থ দাস (২৮) ১৫. তীর্থ দাস (২৯)

১৬. তীর্থ দাস (৩০) ১৭. তীর্থ দাস (৩১)

১৮. তীর্থ দাস (৩২)

১৯. তীর্থ দাস (৩৩) ২০. তীর্থ দাস (৩৪) ২১. তীর্থ দাস (৩৫)

২২. তীর্থ দাস (৩৬) ২৩. তীর্থ দাস (৩৭) ২৪. তীর্থ দাস (৩৮)

২৫. তীর্থ দাস (৩৯) ২৬. তীর্থ দাস (৪০) ২৭. তীর্থ দাস (৪১)

২৮. তীর্থ দাস (৪২)

২৯. তীর্থ দাস (৪৩) ৩০. তীর্থ দাস (৪৪)

৩১. তীর্থ দাস (৪৫) ৩২. তীর্থ দাস (৪৬) ৩৩. তীর্থ দাস (৪৭)

৩৪. তীর্থ দাস (৪৮) ৩৫. তীর্থ দাস (৪৯)

৩৬. তীর্থ দাস (৫০)

৩৭. তীর্থ দাস (৫১)

৩৮. তীর্থ দাস (৫২) ৩৯. তীর্থ দাস (৫৩) ৪০. তীর্থ দাস (৫৪)

৪১. তীর্থ দাস (৫৫)

৪২. তীর্থ দাস (৫৬) ৪৩. তীর্থ দাস (৫৭) ৪৪. তীর্থ দাস (৫৮)

খনজয় রাজকুমারর লেখিক

কুবাইয়ৎ-ই-ওমর খৈয়াম

ডিগল আতহানল মোরে

মিকুপর চেরী ফুল

## কুংগই আয়া

কুংগই আয়া মাংল বকুল — বসন্ত আহিতই !

হে মধুমালতী ! অছ এমাটিক গই ,

পুংনিঙে কার বাশীগর সুর

বাজিল কতিয়ো অয়া স্তমধুর -

কার চরণর মঞ্জীর রৌ বুজার তোমার ঠই ॥

নুংশিপা গং উতলা অলয়া আহিল বিভুলা করে ;

আকগৌ আজি লুকেয়া নাথায়ো গরে ।

মিঙালহানর কুপাং ধরিয়া

ঠইগীরে থই বঁত করিয়া ,

কঙালা পাতাল ডেঙগী সাজক নিককরে নিকবরে ॥

নীলুয়া হাগর সাংরে লাগেছে বানা নুংশির চউ ,

উতা মাটিয়েয়া যারগা কঙালা বৌ ;

লেহাও গইগ অছেতা নাহাং ,

কুড়িয়ে পাতেছে হৃদিগর আত ,

আংকরিয়াও লই নারতাক অতিথি উগর পৌ ॥

বনহানে আজি মাতের , গিরক ঠইগং সকদেয়া ,

ইচুদিন মিতে আছিলু পথেদে চেয়া ;

হনেছিলু রৌ বরিষা বরণে ,

নুপুর রহেছে তোরা দিচরণে ,

তোরা গারিগর মেঘালা আচালা পথে বেলাছিল ছেয়া ॥

খৌরাঙহানে মিঠে আহিলু , কিংতাউ আতে নেই ,

ফুলগী ! মোরেও হারোপা থানি দেই ;

মিঠে পথেদে জঙিংনে তার ,

মুকেয়া থদিং হৃদির দুয়ার ,

ঠইগং তার অহুয়াগ লয়া লাগাদিং থংমেই ॥



## পরিচয়

বরণে বরণে আধারে মেঙছে পথ ।  
ডেঙে ডেঙে কুড়ি লাজে নিক্করতারা  
তোর চুলে আজি কই জনমর গং  
মোর হৃদিগরে থায়া থায়া দেব লারা ॥

পথর গজেদে বানাল জঙেছে ফুল ,  
কাকৈই হানি তি কারনে আকখুরুম ,  
ওক্করকনে আধারর নুংশিয়ে ,  
তোর ঠুমহানে চারিবারা অক ঠুম ॥

যেবাকা পথেদে আইতেই আকখুলী  
বরণর ফুটা মাঠিয়া দিতই তোরে ;  
তাপপ তাপপ আটানির খংচেতে  
হারো করক ঠইগর পথগরে ॥

কদমর বন কুমেয়ে গইগ অয়া  
আমি দ্বিয়গীরে বরকনে নুয়া করে  
জঙক গজেদে কঙালা ফুলর রেণু  
তোর আতহান মোরাং দেনার পরে ॥

মেইথঙেংত সেচেইলে মেইখুম  
সেচতই মাম তোর আহিগীর ঙালে  
সেন্দাহানরে তেরাগ যেসাদে আয়া  
মাঠিয়া দেবতা ঙালহান ডালে ডালে ॥

তোর আতহানি হপনর ডাল অয়া  
জনম হানরে বেরা বেরা থাইতই ;  
তোর বানাহানে মোর হৃদিগর ডেঙে  
এলার সুরগ বুনে বুনে কাইতই ॥

চারিবারাহান লুকেইতইগা লাজে,  
তিয়ে মিয়ে আছি, আর আকগৌ নেই,  
থারৌ গাছিয়ে মাতের গোপন কথা,  
ইম্পানি অয়া চার লেইপাক লেই।

রাতির আধারে বুঝেছি দিয়গী আমি ;  
আগর আহিং আরাক আগরে চেয়া ।  
চিনিক আমার জনমর হপনরে ,  
পূর্ণ অকনে আগরে আগৈ পেয়া ॥

### বকুল বনে

বকুল বনে ছেয়ায় গাঢ় পথগদে  
বাকুল বৌ অহেতা উদাসিনী ;  
পাতার লগে মাতিরৌ তেই কার কথা ,  
কার নুপুরে বাজের কিনি কিনি ॥  
জঙের পাতা ছুঃখহানে পথরমা  
কলকরিয়া মাটির বুকগরে ,  
গাছর ডেঙে মাতের — কিয়া এবাকা  
যাউরীগাতা বেলেয়া আজি মোরে  
এ বন বুজে — আছিল এলা ইচুদিন ,  
তোরাংত মি ছনলু থায়া থায়া ,  
জনম বুজে আছিল বঙ দেখলুতা ,  
তি মোরে দিলে চারিবারার মায়া ,  
ধুলির পথ শয্যাহান আজি তোর ,  
বিভুলা বৌ কিসাদে পৌ দিয়া ,  
মরণহানে মারুপ অয়া এখুরুম  
গেলেগা মোর বানা বেলেয়া কিয়া !  
বাকুল বৌ আনল পৌ বিরহর  
বুজিয়া বন শিলছে ঐ কথা ;  
মাটিয়ে হাগে ছেয়ায় বনে লাগেছেকো  
ঠাইগ বুজে থছিলী আকুলতা ॥

## মিলন রাত্রি

অহিগী তোর বুকে আছিল কথা

মধুর সুর বনের বুকে হাবি ,

গোপন এলা গারিগ বেরা বেরা

ফিজেং অর তোরাং লেইসাবী

বসন্তর বকুল জারে ফুল

তোর বানারে শাকরেছে চানে !

পাহিয়াগীর কঙালা রবহানি

ডালের মায়া বেড়িয়া তোর কানে ।

লেহাও বনে নঙেছে শাতা ফুল

ঠইগ তোর নুংশি করে দিল ;

পূর্ণিয়ার মিঙালহানে আয়া

ইনাফি দের , হমাজি আতে তি ল ।

দূরেই পথে বাজিল আরো বাশী

মনর কথা শিলর খেলা খেলা ;

ঠইগ বুকে আছিল যেতা লাজ

অশোক বনে আনল রাঙা মেলা ।

আহির কোণে জমেছে পানি ফুটা

তিঙাছে তোর বিরহী মনহান ;

মিলন রাত্রি আশাল নুয়া অয়া

সাল করিয়া হুদিগ, লনে দান ।

শাকছে বনে মিঙালহান তোর

বুজাক আজ বসন্তর বন

গারিগ বুকে বাজের যেতা সুর

উতার তালে হজাক অক মন ॥



## তমালর তলে

তমালর তলে তিঙা মাম পথেদে,  
আধারর গজেদে তি আয়া রথেদে,  
বিসারলে কতি মোরে  
ফুল শাতনির পরে,  
পাছিলুতা খানি খানি তোঁর গতেদে ॥

পাতাহানি পালছিল তোঁরে রাহিয়া ,  
হলছে কঙালা কুড়ি ডেঙ পাহিয়া ,  
চুমপুল চুমপুল  
বকুলর তলে ফুল  
হমা অয়া নঙেছিল তোঁরে ডাহিয়া ॥

তোঁর পারা হনে হনে আছিলু বয়া ,  
ঠাইগৎ তোঁর নিঙ বুজিয়া থয়া;  
মধুর আহির পানি  
পথগ তিঙার খানি  
তোঁর পোঁয়ে গেছিলগা মোরে শকয়া ॥

আহিগী তুলিয়া তোঁরে বিসারাছিলু ,  
চারিবেদে তোঁর ভাল নাউ পাছিলু ,  
বিভুলা অছিল মন  
বিসারলু হাবি বন  
মোর ছাদিগর বেদে নাতে চাছিলু ॥

বরণে চরণ ধ্বনি মুয়া হুপূরে ,  
ডালেছে কঙালা এলা মেখালা হুরে ,  
কিসাদে গেছেগা রথ  
লালয়া মুঙর পথ !  
মামহানে চারিবারা থছিল গুরে  
পথ এগ আছিলতা আধারে বুঁরে ॥

তোর পাৰা আছে ফুলে তিতে নেয়য়া ,  
 হাবি সাজ গারিগদে আছে লেয়য়া ,  
 থছিলু মি খুন্তল  
 শিলছে বনৰ তল  
 কিতা করানিতে আৰ তিতে নেয়য়া !  
 বিৰহল রাতিহান থানা খেয়য়া

## পৌ

বসন্ত বৌ কুড়িৰে মাতের আয়া ভাৰ কানে কানে ,  
 —“ তাতে আহিতই এৰে পথগদে আহিগী মেলিয়া চানে ।

নুংশি গংল বেড়িয়া আহুৰি পৌ ,  
 বুকগং আছে তার বাশীগর বৌ ,  
 মি দিং তোমারে হারৌ মাতৌ তারাংত আনে আনে ”॥

কুড়িয়ে মাতের — “ শাতয়া জড়িয়া ডালকৰে দিক পথ,  
 আমার বুকদে সালয়া যাকগা তার মিঙালর বথ,  
 থদিকনে ঠুম হুদিগ বজিয়া আজি,  
 যেতা তা দেছিল, দিকনে হুজিয়া আজি,  
 শাতয়া জড়িয়া পথেদে নড়িয়া করেদিক আমি থং ॥”

বরিষা বরণে তিঙা বোহানে ডাহে ডাহে বিসারার ,  
 কঙালা পাতারে কলকরিয়াও বাসেয়া বাসেয়া থার ,  
 মধুর মুকসি অলয়া মাদান পথে —  
 শাতছে যুথীৰে বানাহানে গতে গতে  
 আহির পানিল বুকগ তিঙেয়া মাঠিয়েয়া লই নার ॥

মাতের —“ হে যুথী ! মিতে বনে বনে বুলৌরি তার সালে;  
 তিঙাউরি পথ আহিগীর পানি দিনহান ডালে ডালে,  
 তি কিয়া হারৌ অছংতা এমাটিক  
 কিছাদে নুঙেৰে হুদিগ অছেতা চিক ”!  
 যুথীৰে মাভিৰী —“ মোর বুকগং নাছের তা ভালে ভালে ”॥

## এথুরুম

তোর সালে চঞ্চল বৌহানে বনে বনে মাংল,  
 আনো আনো খুঁতল ফান্দনে এ হপনে আতল।  
 মঞ্জুরী শাতনির পৌহান ডেঙে ডেঙে আহেছে  
 মেইখুম তুলে তুলে ফুলে ফুলে উৎসবে বাহেছে।  
 খৌরাঙে মঙহান নিকালেশা পাতাহানি নাছিয়া  
 আসাংপা রঙহান চারিবেদে হিচে দিল সাজিয়া।  
 সালনির গইগং বেংগলে বুলে বুলে এলাল  
 পুরিং বুজা দিলা ঠইগীয়ে নুঙের খেলাল।  
 উজ্জল মেইঙালে গালরঙা মাতামর গারিগ,  
 ঝলঝল ঝলকিয়া বৌবন আরা দিক চারিগ  
 আকসাটে অকরেছে রাগহান হারোপা কুমেয়ে,  
 নুংশিপা হুরগই কলকরে আছে ফুল নুঙেয়ে,  
 আয় আয়, ডিল নাক এথুরুম তোর ঠুম লাগলে  
 হাবি বানা পুলাপে দেনা তোরে আয়া তিতে ডাকলে।  
 ঠহান বাসেয়াহে আছি এলা পথে পথে শাতরা  
 তোর সালে সাজা দেখি হাবি মায়া কিংতাউ নাথয়া ॥

ফুল  
 এলাল আছিল খেলাল আছিল  
 কঙালা লেগাও ফুল,  
 পাতার হাদিং বাসেয়া আছিল  
 পানারকা তোর চুল।  
 জুরাং বার ভঙিয়া পড়িল  
 পাতেছিল মোর আতে চাওয়া  
 তোর ঠইগর নুংশি বিলার  
 এথুরুম হাতে হাতে



রাতির জুরাগ বুজিয়া আছিল।

এতা হাবি তেরা হাগে,

পৃথিবীয়ে দিয় আত পাতেছিল।

ঙালহানি মাগে মাগে।

তাপপ তাপপ জঙতার।

পৃথিবীর বুকগং

বিয়ানে খুয়ার বিন্দু অলয়া

রঙে রঙে অয়া থং।

### হাওন রাতি

লপুক বুজে হাওন মাহার বরণ আহেছে,

ধলেশ্বরীর পার দিয়গী চপপ পাহেছে।

সেন্দা আহিল — হাবিগদে ইমাম মাময়া,

দৌঅর বর্তি তুলসী পুঙে লাগের দাওয়া।

নেই তেরাগী হাগ এহানাং, নেইতা খানি ঙাল,

বারিহানাং জিনজিনিহান অছি পালে পাল।

হেইকিরিজার আক্খুলাগ উবা অছেতা,

পাতার হাদিং গুরে গুরে আধার থছেতা।

জামর তলে থায়া থায়া টুপ — টুপ — টুপ।

কিতা কথা মাতেরতাথাং নাইলু মিতে উপ।

বাহার পাতা তিঙের রাতি বরণ-বাদলে;

বৌ এহানে নাছের গাভা কলার লাতলে।

আধার এহান বরনহানাং কিয়া তিঙেরতা।

আহিদগীং ঘুম এহানে কিয়া জিঙেরতা।

## লেইসাবি

অশোক মঞ্জরী হাবি      সাজেছেতা লেইসাবি ।  
তোর সালে বসন্তর দিনে,  
বাজের মধুর তান      আর নাকরিনে মান  
আইনে পথগ চিনে চিনে ।  
চন্দন কুসুম সাজ      হুঁরে দেক হাবি লাজ  
নীলুয়া ইনাফিহান উর,  
আহিগীং হপনর      কাজল গছিয়া তোর  
দৃষ্টিহান অক স্তমধুর ।  
কুণ্ডবনে ইচুদিন      হারোর নেয়ছে চিন  
নাশাতয়া আছিল কুসুম,  
কঙালা দক্ষিণ বউ      বিলেয়া দিলতা পউ  
আনন্দর উৎসবর ঠুম ।  
ঘোবন চঞ্চল অয়া      পাতাং যারগা থয়া  
ভঙ্গিমার হুয়া হুয়া লীলা,  
স্বর্গর নুপুর জাঙে      পিদিয়া আইলা কাঙে  
অপ্সরায় এলাহানি দিলা ।  
লেহাও মালতী ফুল      কুণ্ডাবলী তুল তুল  
কামিনীকুসুম বার যুথী,  
মদলেই, উরলেই      দিলতা তুলনা নেই  
গিদেছিতা হুয়া হুয়া ফুতি ।  
বসন্তর নিমন্ত্রণ      শকদেক তোর মন  
কাদিয়া আহং লেইসাবি,  
তোর পারা দিল পথে      শিলিয়া আছেতা গতে  
সাজিয়া হারোপা ফুল হাবি,  
আহির পানিও তোর      জঙে জঙে আজি অর  
উজ্জল মুক্তার সাদে ওল,  
তিও হারো অনে      লাগকগা তোর মনে  
আনন্দর মৃদঙ্গর তাল ।

## হজাক

নিক্কা দিনর পথর বোয়ে ডাকল বিয়ান পরে  
মাংল মধুর নুংশি হানে  
ঘুমর গাটর কানে কানে  
“ফুয়েইল রাতি, উঠ হমাজি, কেথক করে করে” ॥

আধার আছে ইনাফিহান চেইল সেচা দিয়া  
তেইর কঙালা গারিগরে,  
এলায় এলায় দিলা বরে;  
দিয়পারর আসাংপা বঙ সকইলগা গিয়া ॥

খুয়ার পথে বিয়ানহানে কঙালা দি আতে  
চারিবারা বলে বলে  
তুলতুলাছে ফুলে ফুলে  
শকোশকো হজাক করে দিল হাতে হাতে ॥

হাগহানাংত মাটিং জঙিল মিঙাল সিংগাবেই;  
মলয়া বো তালে তালে  
ইনাং বাবানাহানি ডালে ডালে  
বেরেইলগা বিসারেয়া হুক লেইপাকলেই ॥

চারিবারার নুংশিহানাং লাজিহানে সাজিয়া  
হজাক আছে বঙর মঙে  
খৌরাঙ দেব নঙে নঙে  
হুদিগীও অরতা হজাক আজিতে নাছিয়া ॥



## তোর সুরগ মি

তোর সুরগ মি ছুনিয়া থাইলু

নাপেইলু তোর চিন,

পথে পথে তোরে বিসারিয়া মোর

লালরতা সারা দিন।

চারিবেদে তোর ইংগিত হানি

শিলয়া ডাহের মোরে

তোর বানাহানে মাতেয়া যারগা

মোর হরু ঠইগরে।

হাগহান হাবি পাহিয়া বাহের

তোর আচালার ওল

হলছে পাতাং নাছিয়া বাজার

মন্দিরাহানে তালুক

এপেই এতাল বিভুলা আইলু

কুলাই তোরেতে পানা,

হাবিগদে তোর বাশীগরা হুর

কুরাংতে তোরে চানি

মোরে গোপনে সফয়া যারগা

সুরগল বেয়া দিয়া

মিতে আহিগীল পানা মুয়ারলু

পানিল বুজিয়া, কিয়া!

গোপন এলার নিক্করানি

নিক্করেরতা বো

চঞ্চল বনে হারোপীয়ম

বেয়া যিতরিগা নো।

তোর রূপ চেয়া তোরে পাহরিয়া

আইলু মি বুলে বুলে

খোঁরাওহানে তোরে বিসারার

তিঙা আহি তুলে তুলে।

চাংগীল

কুরাঙো নাগিয়া তোৰ নুংশিল

পাউরিতা থানি তোৰে

তিওঁ গোপনে কলকরিয়াও

থার এৰে ঠাইগৰে ।

এতাল লালং আধাৰৰ পৰ

তোৰ বিৰহৰ দিন,

ৰাতিৰ মামে তি মাঙয়া গেলগা

নাথয়া কিতাও চিন ॥

### পানা

ফুলৰ বনে হেলাং খেলাং লালইল আরো দিন,

কানে কানে মাতলে মোৰে — ‘থনে তি মোৰ চিন ।’

বৌহানে তোৰ আনল বানা, ভ্রমণায় বন্দনা,

ফুলৰ রেণুং তোৰ গাৰিগৰ নুংশিল কণা কণা ।

ওঁতা থয়া, মোৰেল মি অছিলু বিভূলা,

হাৰনাপাছু, কিসাদে তি থাইলেতা আকখুলা ।

অভিমানল তি কাৰিয়া বেললে অলংকাৰ

পথে পথে লেয়য়া হায় কাদে কাদে থার ।

তি বেলেয়া গেলগা নাই, — থাংতা আধাৰ অয়া

কুরাং মাঙৰ মিঙাল হানো মোৰে পথে থয়া ।

এবল অয়া এলয় অয়া আহিল ইমাম ৰাতি

হংকাৰেয়া মাতলে গিরক — এখুমতে চা, তি ।

সেচেইলে তি ফিজেংহানি করলে দূৰেই সাজ,

আধাৰহানাং অয়া তি মোৰ বাগলে হাবি লাজ ।

হুদিগং তি করলে আঘাত, সেচিল মনৰ ঘুম

হুংখহানৰ সাদে আজি কতি অছং ঠুম ।

হারোহানাং করলু দূৰেই — হুংখ দিয়া আইলে —

গাৰিগল না বৰেছু, হুদিগৰ মা ঙাইলে ।



## বসন্তর বার্তন

বসন্তর বনর ফুল কুমেইহানে বাহেছে ,  
পূর্ণিমার জোনাকহানে চারিয়বারা পাহেছে ।  
ইঙাল রাতি বকুল বনে হারৌ অছে সুরভী ,  
মিঙালে ধছি হপন বুজে বাজের আজি পূরবী ॥

ঝলমলেয়া আহনে সখি মণিমেথলা পিদিয়া ,  
কঙালা বুক উতলা অক পঞ্চশর বিদিয়া । কার  
পাতার তালে মৃদঙ্গর ধ্বনি বাজের বনেদে ,  
নূপুরগীয়ে নিক্করকৃা ঢউ তুলিয়া মনেদে ॥

মেইথঙেদে রঙ ছিটেয়া নাছক কানে রতনে ,  
কঙালা ছদি বাধিয়ে তুমি যা-বেকনীর যতনে ।  
জুরাং দিয় মধুমালতী আজিতে মধু যামিনী ,  
পিচুমগীং কুমকুমর ফুটা ঙালক , কামিনী ! ॥

জোনাকহানে মাতৌ কারা পানিহানাং গলেছে ,  
মুক্তা কণা অয়া ছতর নানহানিদে বলেছে ;  
গোপন প্রেম নুংশি অয়া জঙের ফুল রেণুগী ,  
দূরেয়ে থায়া ডাকতারাতা সুরপুরর বেণুগী ॥

আহনে আহ অশোক বনে লোহদ তুমি দেইনে ,  
হারৌ অয়া লাজে বানায় রাঙাগ অক চেইনে !  
শাতক ফুল তোমার সালে, বুজক ডেঙ মুকুলে,  
বরণ মালা বানেই তুমি ঔতা লয়া ছকুলে ॥

বেকনী বার ফানেক বুজে ফুলর গং নাপছে ,  
বিভুলা অয়া মলয়া বৌ উপেই আয়া তাপছে ।  
বিবশ অয়া ঙায়া থাইলে আহি দিয়গী তুলিয়া ,  
ভ্রমরা আয়া মেইথঙেদে মধুপিতাই বুলিয়া ॥



## মণিডাল

হুঃখর আতে খুৎতলহান—বুজাদের হুদিগরে,  
 ঙালছে আধারে নিংশিং দেব কলকরে কলকরে ।  
 আহির পানির মুকসিহানাং  
 কঙালাগ অয়া ঙালছে বানাং  
 বিরহর ফুল শাতকরেরতা কাদানিল বরে বরে ॥  
 তাপপ খয়াল আহের সালয়া বুজিয়া চারিয়বারা,  
 যুমর ঠইগ হজাক করেব দিয় আতে লারা লারা,  
 দুরেই ডেঙেদে কি পাহিয়াগ থাং  
 কাদিয়া বাগাক তার খোঁরাঙ;  
 তেরাগী হাগেদে আধরিহানাং কিয়া নিক্করতারা ॥  
 মেইখুমহান গুসেয়া চাউরি—ফুলডাল বেলা দিয়া,  
 উজ্জল মামে মাতারগা আয়া বিরহর এলা দিয়া,  
 বুকগ বাধলু হুঃখর বোয়ে  
 বাগের হাবিতা তার নুয়া পোয়ে  
 আহির পানির মণিডালহান থার গারে ঝলকিয়া ॥

## স্মৃতি

ভ্রমর আহেছি মত্ত মালতী ফুলে,  
 কই জনমর গং তোর কালা চুলে ।  
 আগরে আগৈ চিনলাং আমি নাঙে ।  
 আজিতে নুপুর নেয়ছেতা তোর জাঙে,  
 জঙেছে দেছিলু মুক্তার ডাল গারে  
 উনা আছিলং স্মৃতির গাটর পারে ।  
 আজিতে আমারে দুরেইহানর বো  
 আনেদের কানে পাহরেছিলো পো ।  
 কিতা মাংতু মি নাপাউরি কথাহানি  
 নামাতিয়াওতে দিয়গীর কথা জানি ।

## বসন্ত মাপু

বসন্ত ফুলর ধনু আভে লয়া আহিলে গিরক !

লুকেয়া নাথাই ;

রঙর আচালা সেচা, মায়াভাল এবাকা হিড়ক

আই মুঙে আই !

বনর চঞ্চল বুক ইচুদিন আশাল আহিল

তোর সালে বয়া ;

কোন অলকার বেদে চেয়া চেয়া পউ নাপাছিল

বিধুর অলয়া ।

তার আহিগীর পানি বাতনর সাদে ডাহে ডাহে

মাঙছে কুয়াং !

বিরহর নউগল ঠুনিংসার হতে বাহে বাহে

লয়া তোর নাঙ ।

আজি আয়া পূর্ণ কর তোর লীলা, রূপল মাতেয়া

অপরূপ কর ।

খোঁরাঙে মেলেছি আহি মঞ্জুরীগী দেনে তি আতেয়া

তারে কলকর ।

আশা বার লাজহানে নিকরিয়া আছে চারিবারা ।

কুমেয়র রঙ

ডালিয়া তি হাবিগদে তোর গারিগর মুংশি ধারা

সাজাদিছ মঙ ।

দূরেয়ে ফিরালহান, হনার রঙর কচুহান,

উচছে ঙালয়া ।

হে গিরক ! মহারাজ ! বনর কুপাঙে লছে দান

কতিও পালয়া ।

মুঞ্চ মালতীর ডেঙে ভ্রমরার মুয়া মস্তধনি

আয়া দিল ডাক,

আজি মিলনর খেলা কুঞ্জবনে, আজি মন্ত অনি,

আর হাবি থাক ।



আহিলে এপেই আজি বসন্তর রথদে চড়িয়া

বুজে বনহান ;

চারিবারাহানে তোরে হারো অয়া লইলা বরিয়া

কায়া কতি মান ।

তোর অন্তরর ধন দিয় আতে কতি অনুরাগে

লছিতা পাতিয়া,

মিলনর দিনহামি লেহা লেহা, বর মাগে মাগে

ঠই এগ দিয়া ।

অভিসারে আহেদিলে বিরহর ডহা পথগদে

শাতরা ডালরা,

দক্ষিণ বোহানে তোর পউহান আনেদেছে গতে,

মুণ্ডেদে সালরা ।

আনেদেছে তোর নাছা, তোর এলা তোর হাবি রঙ

বুড়েয়া অন্তর ;

চারিবারা বুজে আজি দেহা দিলা তোর মেইথঙ

ডালরা পহর ।

মিলনর এ মিকুপ পূর্ণ অক পূজাপ পামাল

আজি কুন্তবনে,

তোর দানি মুয়া অয়া হুদিগৎ শাতক বাঙ্গাল

জনমে মরনে ।

এবাকাউ মেঘ

এবাকাউ মেঘ তোর সালে পো নেরগাতা অলকাং,

কতি দেশ, কতি সময় লালয়া মিলন স্বর্গহানাং ।

আহির পানিল তিঙিয়া আছং, ফুলল লেহেয়া দিন,

বিরহ লালয়া পানা নাই তোরে, এপেই নেয়ছে চিন ।

চারিবেদে আজি মত্ত বরণ, বিজুলীও ঝলকার ।

হুঃখহানরে গাঢ় করিয়াও কাদিয়া কাদিয়া থার ;

হ'গীর আহিং জঙের পানিয়ে সমুদ্রহান আছে,

এপারে মি আছ, কতিও দূরেয়ে তোরে কাছয়েয়া থছে ।



## আজি তি কয়াকা

আজি তি কয়াকা গোপন করলে তোরে !

বসন্তহানে মুকাদিল ঠইগরে ।

পূর্ণিমাহান তোর সালেদেহে হাগে,

সাজিরী ঙালয়া তোর বর মাগে মাগে ।

খংমেইহান আতে লয়া সালছেতা,

তোর হপনল চারিয়ারা পালছেতা ।

রাতি গ্রহানৌ আহিয়া বাহিয়া ঠিল,

চন্দনে নীলে তোর হুংশিয়ে তিল ।

বিভূলা বকুল হুঙেয়ে পাগল অয়া

আছে তোর কথা হৃদিগ বুজিয়া ধরা,

ছেয়াগ লেহাও মালভীর তলে চার

বোহানে বনে হারোহানরে পার ।

এলার স্বরল পথগ অছেতা খং,

এতার হাদিং তিতে কিয়া লুকাছং,

তোরেতে নাশেয়া পাছি তোর হাবি মায়া,

বাশীগই তোরে ডাহেরতা থায়া থায়া ।

আইনে আহিং ডিল নাই তিতে আর,

তি নায়া হারৌ এহান পূর্ণ নার ।

তোর এ কুমেই তোবেল পালয়া থাক,

মেইখুম সেচা, বসন্তহানে চাক ।

ইচুদিন পিছে আজিতে সাকিয়া আয়া,

কি লীলা করর আহির মুঙেদে নায়া !

আধারে মিঙালে ছেয়াল মায়া তিতে,

গোপনে আছং হৃদিগ সাজেয়া দিতে ।

## কিসাদে চিনানি

কিসাদে চিনানি তোরে এ আধারে

মাতনে মাত,

তোর বানান পানার সালেদে

পাতেছু আত ।

তিতে মিঙালর বোহান অয়া

এ মায় ঠইগ যারগা সকায়া

আহিগী মেলিয়া দেহে হুয়ারলু

তোরহে শাত ॥

বুকগং আয়া ছেয়াগ পড়ের

আধারে তোর,

দুরেয়ে থায়া তি বানাল বেড়িয়া

হুংখ দ'র,

ঘুমে মি থাইলে হপনে আহিয়া

গোপনে কুরাং যারগা ডাহিয়া

তি আয়া সকায়া মরণ এহান

অমর অর ॥

তোর আহিগীর মেংশেলে মিতে

মোরে মি চাং,

তোর খতাংত হনিং মি মোর

গোপন নাঙ

হুদির কুড়িগ শাতকরে দিয়া

খুংতল তোরে দিংনে সাজিয়া

তোর ঠইগর বানার মিঙালে

মোরে মি পাং ॥



## বসন্তর গই

লাজে রাঙা আছে আজি অশোকর নুয়াশাতা কঙালা মঞ্জুরী,  
বৌহানে বেড়েরা ধরা, মাতের — গারিগ তোর পাশাল না গুরি।  
বার্তন আছেছে এরে বসন্তর বনে বনে ছলছে পাতাং  
খোঁরাঙে বানায় নিঙে মিঙালে কঙালা অয়া শকদের শাত।  
ফাস্তনর কুঞ্জবনে যাতি যুথী কুণ্ডাবলী অছিতা হজাক,  
উতলা লেহাও ডেঙে কিসাদে অতিথি আয়া আজি দিলে ডাক।  
চারিবেদে অকরেছি হারোয়ে কুমেয়ে মঙে নুয়া রাগহান,  
এলাল ডালিয়া তার খয়াহানি ধরা দিলা, দিলা হাবি দান।  
ছনার আচালাহান নুয়া বেলিহানে দিল মায়াল বুনিয়া  
কুরুহান বুজে দিলা পুলয়া হেইনৌ ফুল নুপুর ছনিয়া।  
চারিয়বারাদে আজি গস্তীর মদুর হুর রাগহান আছে,  
চঞ্চল চরণ ধরনি হাগ বার মাটিহান গইগ করেছে।  
হপনে মাতাছে আহি ছেয়ায় মিঙালে মায়া রচনা করিয়া,  
বনে বনে সাজা দিলা তার কথা, তার নাও তার হুর দিয়া।  
মুদঙ্গর মত্ত ধরনি বুলে বুলে তালে তালে নাছিয়া আছেতা,  
বিরহ বিধুর আছে ছুদিগই নুয়া করে অমৃত পাছেতা।  
আজি বসন্তর দিনে নীলুয়া ছনার রঙে নিকুলিয়া আয়া —  
বুজাদে পুন্নিং ছদি, বাসাছি হাবিরে আজি ঠইগীং কায়া।

## নুংশি

যেবাকা আয়া তি বিলেইলে তোর বুকর নুংশি হানি  
হপনর সাদে নিংশিং মিতে অছিলুতা খানি খানি।  
কোন বিদেশর নৌগল আয়া ডাকলে ঘুমে তি মোরে,  
আত দিয়হানি ধরিয়া কথা মি আংকরলুতা তোরে।  
হপনহানৌ মাওয়া গেলগা মিতে নুয়ারলু যানা,  
এতাহাবি ফুলে ডাল গিঠিয়াও নাইলুতা আর কানা।  
কুয়াং আছং হারনাপেইলু অইলু বিভুলা মিতে,  
কোন জনমেদে হপন লালয়া আহিতেই বার তিতে।



## হৃদিগল

ফুলগী শাউছে খোঁরাঙহান অয়া,  
 মোর আঁতে তোর আঁত দিয়হানি থয়া।  
 বলকার বানি মনি মিঙালর মাদে,  
 উতার হাদিৎ হৃদি আছে কাদে কাদে,  
 হৃৎকার এরে খুঁতলহানি দিং,  
 আঁহির পানিৎ জাবুরেয়া মোর নিং।  
 কোন হাগ বুজে তোর মেইথং ডাল,  
 খৌল্লগরমা জেরাল বানাহি ডাল  
 কোন অলকার ফুল জুয়াগং তোর,  
 শিলছে আধার উজ্জল ফুলগর।  
 শাতয়া আছং ভিত্তে থামপাল থলা,  
 পিচুম দিয়গী অলছে চক্ককলা।  
 বৌহানে আয়া বিরহরে পিতাবার  
 হৃদি এয়ইতে খানি খানি পৌ পার,  
 নিকুপহানর ঠুনিংসাহান পারা,  
 উম হৃৎখই বুজেছে চারিয়বারা;  
 চঞ্চল আশা নিক্করেরতা পথে,  
 তোরে খানি পাঁছু নাপছে ফুলর গতে।

তোর মিঙালর ঙালে আজি মোরে ডাক  
 তোর বাসাহানে থংহান অয়া থাক।  
 জন্ম এহান উহান লালয়া যানি,  
 বিধুর দূরেয়ে তোরে বিসারিয়া পানি,  
 কিহান মাতানি নিংখিং নাইতৌ,  
 পূজাপ করে হৃদিগল আইতৌ।

## শ্রাবণে

বরণে মেঘুর                      শ্রাবণ হাগে  
 বাদল দিনর ভিঙেছে পৌ,  
 মালতী লেহাও                      কার সালেদে  
 অমাটিক আজি অছিতা ঠৌ!  
 কঙালা কুড়িগী                      মেলেছি আহি  
 লেইপাকলেই মাতার কারে,  
 শাতছে বকুল                      আকুল আছে  
 বানা শাতহেতা কদম জারে।  
 পূব বৌহানে                      অতুরাগল  
 শাতছে ফুলরে কলকরের,  
 শকরা কঙালা                      ছলছে ডেঙে  
 কার নাঙহান সলকরের।  
 মুকসি দিয়াও                      লাজেতে ফুল  
 মেইথংহান নঙেয়া থার,  
 আহিল পাউরি                      বুলিয়া বার  
 আহিগী তুলিয়া পথেদে চার।  
 কুমেই আহেছে                      বরণে বনে  
 কামিনী কুমুম সাজিয়া আছে,  
 মাতানি মনেয়া                      কিতার কথা  
 খৌরাও আজি ফুলর গাছে।  
 ঠইগ বুজিল                      বাশীর হুরে  
 দুরেই পথর আহিল ডাক,  
 মামছে ছেয়াগ                      সাঙছে বনে  
 এলারে ডালের মেঘালা হাগ।  
 নাছিয়া হারৌ                      কঙালা পাতা  
 কঙ হুয়ারে পথিক আই  
 সুপুৰুর ধনি                      ছনিয়া হাবি  
 চঞ্চলভাল বাহেছি নাই।



তোর পথগদে ইঙাল অয়া

মেঘর বিজুরি ঙালয়া থাক,  
হপনর রথে সালছং তি

মেঘমল্লারে আহিল ডাক ।

হুয়া নীল ফুতি গারিগ বুজে,

আধার চুলর মুংশিহান

আন ঠইগং পথিক আজি

মেঘর রঙর মাতৌ আন ।

বাসাছে লেহাও কুণাবলী

কামিনীকুম্ম মালতী যুথী,

কুঞ্জ ছয়ারে মনেয়া পানা

কেথকে কঙালা পিদেছি ফুতি ।

মত্ত বরণে শ্রাবণে আজি

বার্তন তোর উৎসবর

পৃথিবী বুজিয়া আহিল আরো

চারিয়বারাও হারৌ অর ।

### যেবাকা তোর

যেবাকা তোর এলা লয়র জঙের হুর মনে

পূর্ণ প্রাণ হুবাসে, তি নেয় থাইলেউ বনে ।

গোলাপগর লাবণার স্মৃতির ছবিহান,

ঠই এগতে' লুকার সাং, অলর অভিমান ।

তোর মাধুরী মধুর করে বিলেয়া দেব বৌ

মাতৌ মঙে কঙালা পাতা বুজিয়া নৌ নৌ ।

শিথিল তোর শয়ন বুজে আছিল হপনহানি,

ইচুদিনর পিছেদে মোর হৃদিং আনের বাণী ।

নাথাছে থির পিচুম গীর গোপন ইঙ্গিত

বসন্তর পুষ্পবনে নাছের ভঙ্গিৎ ।

হারৌহানে ফুলর ডালে বেরার দ্বিয় প্রাণ

ইচুদিনর পথ লালিয়া বিরহ অবসান ।



## বানী নুংশির কবিতা

কালা চুলে ধলা ফুলে অলকার রঙ,  
 আহিগীং আছে বুজে এমাটিক মঙ ।  
 বলকার জমকাগী তোর দ্বিষ বানে  
 বুকগর বেকুনীয়ে বানাহান জানে ।  
 চুপ্পুল চুপ্পুল নাপছে মাতৌ  
 বানী বার নুংশিয়ে মেঙছে সাতৌ ।  
 শাতছে ফুলর সাদে মেইথং তোর  
 লিরি লিরি বোহানে নাছুয়েয়া থর ।  
 নৌ নৌ গারিগর কঙালা মাতাম ।  
 চেয়া থাইলৌ আজি মন নার চাম ।  
 মেইখুম সেচেয়া তি তুলনে পিচুম,  
 পুহিং বুজে পাং আহিগীর ঠুম ।  
 লেইসাবী তোর হাবি মঙ মাতামর  
 কেথকে চারিয়বারা কঙালাগ অর ।  
 কুরৌ বুজেয়া বানী পেয়া থুংতল  
 তোর গারিগৌ অর কতি বলমল ।  
 ডাক ডাক যৌরনে পুলাপ করে  
 কুংগই সাজাদিল এমাটিক তোরে !  
 মেংতমা হোরে তিতে দেনে মিলেঙ  
 তোর বেদে আছু মিতে চেয়া রেঙ রেঙ ।  
 মাতানি মনাছু কথা মাতানিতে নার  
 বুকগর নুংশিঙ নিংসিঙে থার ।  
 লেইপাকে তোরে পানী নেয়ছেতা সাং,  
 হাবি ডাল মায় অর মিকুপহানাং ।  
 জোনাকর সাদে তোর মেইথং হান ।  
 এগদে বুজেয়া ডাল দেনে মোরে দান ।  
 আধার এ হুদি এগ থানি পহর অক  
 ঠইগর হাবি মাম এবাকা হরক ।

## কই যুগ থায়া

পূর্ণিমাহান পশ্চিমে নঙেছিল,  
সিংগারেইগী বিরহল জঙেছিল,  
থংমেইহান নিভেছে আধারে  
উবা অইলেগা য়েবাকা দুয়ারে  
মত্ত কোকিলে মাতলা ডাহিয়া মোরে—  
'অতিথি আহিল হজাক অয়া তি বর-এ' ॥

থাংতা বিভূলা অইলুতা ভোরে চেয়া,  
চিনে মুয়ারলু মিঙালহানো নেয়া,  
খুলিয়া থছিলু গারিগর সাজ,  
ডাহে মুয়ারলু পেয়া কতি লাজ,  
দক্ষিণ বো মাতলতা কানে কানে—  
'মুকেয়া দুয়ার দুয়াং আয়া তি চানে' ॥

গারগর কাঠি তোর গারে পিদা দিতে  
দ্বিয় আত মোর ধরলে দ্বি আতে তিতে,  
মাতলে বানার মালাডাল নিয়া—  
'মোর গার এগ থাক ঝলকিয়া' ।

দ্বিয়গীর বুকে আহির পানির ধারা  
বকুলে আহিগী জিপানি পাছরতারা ।

পূর্ণিমাহানে লাভে মেইথংহান  
লুকেইলগাতা, গাছে কোকিলর তান  
আরাকো মত্ত অইলাতা কিয়া,  
কাগে বাগানির এলাহানি দিয়া !  
বিয়ানর বো মাঠিয়া দেরতা আয়া  
আগরে আগই পাছি কই যুগ থায়া ।



## বিরহর বাশী

বিরহর বাশী চৈত্রবনর পথে  
বাজিল য়েবাকা জঙিল আশার ফুলগীর হাবিগদে ।  
বকুল বনর বোহানে আয়া  
বিসারার তোরে খানি খায়া খায়া,  
পাতার বুকর ঠুনিংসাহানে বেড়াছিল গাছে লতে ॥

আকুল কোকিলে বায়ে বায়ে ডাহেছিল,  
বিভূলা অমর হেইনৌ বনে তোর সালে আহেছিল ;  
রাঙা থামপাল আগর সাদানে  
বেলি নঙেছিল ঠুয়য়া মাদানে,  
হে বিদেশী তিতে বেলেরা গেলেগা — তোর গত বিলা বিলা ॥

মিঙালে মাতের — তাতে নেই তাতে নেই,  
আধারে মাতের — মোর বুকগং তেরাগী লাগেয়া চেই ।  
এলার সুরগ দূরেই বনেদে  
সালছে কাদিয়া কোন মরনেদে,  
চঞ্চল দিন ইমপানি অছে তারাত অয়া থেই ॥

মালতী মাধবী উকুলেই আর  
কেথকে মাতামে মঙে মেঙয়াও সাজিয়াতে নাউ পার ।  
অশোকর বনে ফুলগী জঙেছে,  
আহিগী জিপেয়া লেহাও নঙেছে,  
কুরাং থেঙেছে এবে পথগদে চেয়া চেয়া লই নার ॥

লাহলে ছকিল বানাছু ফুলর ডালগাং  
কানা নায়া বনে জঙিল রাঙাল সাঙছিল হাবি ডাল ।  
হপনে গাবেদে কিতা দেনা তোরে !  
কিসাদে সাজানি তোর গারিগরে !  
আধারে নূপুরে মামর হাদিং য়েবাকা দিতই তাল ॥



## হপনে

খোঁচুগ বুকে আছিল বসন্তর  
ফুল ডালহান — পথে পড়েছিল তোমার  
লইলু দিআতে তোর বরহান করে  
পশ্চিম হাগে বেলি হমানির পরে ।

ভমরা ভমরী ফুলে আকর্গো নেই,  
এবাকাতে লাজে জুড়েছে কুণ্ডলেই ;  
হেইনিং আর নাহিতা কোকিল গাছে,  
মালতী মামরা কাদিয়া মাটিং ডাছে ।

পথগই তোরে সালছেতা বিসারেয়া  
বিরহল আজি বিধুর আছে তি নেয়া ।  
ধূলিৎ পড়েছে ইমপানি বাশীগো,  
বৌহানে তার বকে দেব হাহা বো ।

খুৎতল যেতা শাতছিল তোম সালে  
আপপানে আছি বিদায় গোধূলি কালে,  
তোমরকা হাবিতা কাংকরিয়াও দিতে,  
মাটিং আজিতে বেলিয়া গেলেনা তিতে ।

এবাকা লাহলে লালর বিরহী পর,  
মেইখুমহান সালরতা আধারর ।  
উতার হাদিৎ জুঙের আহির পানি,  
কুয়াং আছং উহানতে নাউ জানি ।

তোম সালে ফুল খইলু মি দিয় আতে,  
অপপ ঘুমউ আহিতই হাতে হাতে,  
উবাকা সাজেয়া দিৎনে হাবিতা বানি,  
টেইপাঙে নেই হপনে অকনে পানি ।

## তোর খেলাহান

পথেরে বেহাকা বিসারলু তোরে ভিত্তে বাসাইছিলে গরে,  
মানানে মিঠাল আধারর আতে জড়িয়া পড়িল পরে ।

ফুলগর সাদে জিপিল এ দিন

ভিত্তে নেই, আছে তোর হাবি চিন

হার নাপেয়া মি বিহুলা অছিলু হুয়াং নাপেয়া তোরে,  
মানান মিঠাল আধারর আতে জড়িয়া পড়িল পরে ॥

আকগ ভেরাগ গোধুলির হাগে ডালরা আছিল চেয়া,  
আধারর হাবি কেবেরে কেবেরে তোরে লাকেরে ডরে বিসারেরা,

চৈত্রর ননে কতি তুল তুল

মাতৌহানল খাতছিল ফুল

ওতাউ হাবি লাকেরে লুকেইলা তোর পৌহান নেয়া;  
আকগ ভেরাগ গোধুলির হাগে ডালরা আছিল চেয়া ॥

আলখক অয়া গেলুগা গরেরে বিহুলাগ অয়া হার ।

উঠানহানাং তোর নুপুংগ জড়িয়া আছিল নাই ।

উয়া বিতরে তোরে চাউরিগা

বিসারেরা মিতে নাউ পাউরিগা

মাতলুতা তোর বানা হুংশিরে খানি'করে গরে খাই ।

উঠানহানাং তোর নুপুংগ জড়িয়া আছিল নাই ॥

মোর হুদিগং তোর খেলাহান অকরনে এবাকাতে,

বানাহান হারি কলকরিয়াও লং মোর দ্বিহ আতে ।

আরতে কুরাঙে নাথেইতৌগা,

মিঠালে আধারে নাচেইতৌগা,

তোর নিংলিঙে মোর গারি এগ বহক বাশীর সাদে ।

মোর হুদিগং তোর খেলাহান অকরনে এবাকাতে ॥



## না জানি ক'ল্যে পাতা

১৮১৩ চৌকি। কবে মোর মর) পাতা নিতে। আশ্রয় মাগে।

১৮১৪ চৌকি। কবে মোর মর) পাতা নিতে। আশ্রয় মাগে।

বাতনী বুকে দেউরি মরিয়া,

নবী চৌকি। কবে মোর মর) পাতা নিতে। আশ্রয় মাগে।

১৮১৫ চৌকি। কবে মোর মর) পাতা নিতে। আশ্রয় মাগে।

১৮১৬ চৌকি। কবে মোর মর) পাতা নিতে। আশ্রয় মাগে।

১৮১৭ চৌকি। কবে মোর মর) পাতা নিতে। আশ্রয় মাগে।

১৮১৮ চৌকি। কবে মোর মর) পাতা নিতে। আশ্রয় মাগে।

আকুড়ি আখি অহেতা বিলাউ,

নাদেছে দু'মাতা হনাত ক্রীড়াউ

১৮১৯ চৌকি। কবে মোর মর) পাতা নিতে। আশ্রয় মাগে।

১৮২০ চৌকি। কবে মোর মর) পাতা নিতে। আশ্রয় মাগে।

১৮২১ চৌকি। কবে মোর মর) পাতা নিতে। আশ্রয় মাগে।

১৮২২ চৌকি। কবে মোর মর) পাতা নিতে। আশ্রয় মাগে।

ধরিয়া এপেই শেগা হিমরি

মলিয়া হদিয়া নিলু এবে মরিয়া,

১৮২৩ চৌকি। কবে মোর মর) পাতা নিতে। আশ্রয় মাগে।

১৮২৪ চৌকি। কবে মোর মর) পাতা নিতে। আশ্রয় মাগে।

১৮২৫ চৌকি। কবে মোর মর) পাতা নিতে। আশ্রয় মাগে।

১৮২৬ চৌকি। কবে মোর মর) পাতা নিতে। আশ্রয় মাগে।

বুড়াকালে আজি অরা ধানি সাং,

লয়া থহিতো কুক্ষর নাং।

১৮২৭ চৌকি। কবে মোর মর) পাতা নিতে। আশ্রয় মাগে।

আজিও পুরি তোমারতা তুমি

১৮২৮ চৌকি। কবে মোর মর) পাতা নিতে। আশ্রয় মাগে।

রাদিয়া পুড়িয়া খেই ॥



কির নয়ানল এখুঁকম চেইতো ।

করানিতে সেই আহান কামেই,

বিয়ানে মাদানে উরিয়া আঁতেই,

মোরে করিয়া তি ইন্নেই নেই

ধারতা কিসাদে মেঠেলে মেঠেল,

আহো আটতা হো ॥

আমার মালক বাপক বপাক হাবি

নাউ কিটাহিতা ধনেদে জনেদে,

মানুয়ে চিনেছি দেশে বিদেশেদে;

ওকি ওয়ারাল কামেদে তমেদে

আমার নিঙল বেপেঙ গিয়া

ধরেছি পরর চাবি ॥

কিহানাদে মোরে কুংগই জিংতাই !

দ্বিদিনে দ্বিদিনে আতীলুরিহান,

মিকুপহানিং দ্বি গাহালি ধনি,

মানুয়ে আমারে করলা বাখান,

আমার গারিং নেয়ছে জনমে

হুয়ারা পানির দাই ॥

কেনে মোরে কানে অমকা জুড়াও পিদা !

ভোমারে মাতিয়া কিহান করানি !

কানা উটতেদে পানিতে ডালানি,

রুকগর লগে কথা টটরানি,

উঠতে বইতে আত্তির কানে

বেনা বেয়া লাভ কিতা ॥

— তিতে ইনাগাহ বনগাহ নাদেহং ।

মাততে আত্তিতে হকগ আহের,

আহিগী এবাকা পানিরে বাহের,



ফুরেয়া এতাত্তে কথা না ফুরের,  
খেপাং খেতয়া কাম করিয়া  
হাইবে নাকুলেছং ॥

চুচর ছিগই অলেরতা মোর মন,  
আহান আহান অয়া নিংসিং  
পুড়ের কভিল মোর পুংনিং !  
লেহেইভেগাতে লিসিং লিসিং ।  
সাগরর বালি লেহেয়া লেহানি  
পারব কিসাদে জন ॥

কিহান পাছুতা মাতোতা এপেই আয়া ;  
মৌগ অয়াও গরগ ধরেছু,  
মনগ যুজুরে কামতে করেছু,  
বেদিনে তোয়ার আতে মি পড়েছু  
মিকুপ আহান নাগেহেগা মোর  
আতে কামহান নায়া ॥

বুজন আইনু চুলো অহেতা থলা,  
ভাতব অর আঙুলি খাউরি  
কামেইহানল হজিয়া আউরি,  
এরাকা পেয়াও বয়া না খাউরি ।  
মোরকা বলিয়া নাকরেছু মিতে  
আহান পইসা জলা ॥

আত না টুমছে জাঙহানি নারাগেছে,  
ধন ফুতি নেই আটেলপারতা,  
লাজহান নেই মানু বারারতা !  
কিহানতে আর মাংতু আরতা—  
গোকগ পেয়াও যতন করানি  
মি নাইলে আর নাছে ॥

অইবগা আর জারানি নুয়ারতো !

ঔনাপাহান জারলু জারানি,

নুয়ারতাইক মাহুয়ে পারানি,

মনাছি পাউরি মোরেতে মারানি,

বহক আনগা আটেল বেলেয়া

আর কাম নাতে পারতো ॥

কোনো কবিতা

কোনো কবিতা

কোনো কবিতা

কোনো কবিতা

নুয়া জনমে

নুয়া জনমে

ফাক্তন ফুল অলয়া আকুল মাতের— 'রূপ তি থাক,

মাটিরমা আর জড়িয়া পড়িয়া শিলয়া মাঙনি নাক ।

মোর হরু বৃকে হুঃখল তোরে থুতা রাঙাগ করে,

আহির পানিল ইচুদিন থায়া এবাকাহে পাছু তোরে ।'

রূপহানে বার ফুলগং ওয়া মাতের ডালিয়া বানা,—

'গেলেগাও মোর এরে যানাহান নাগই দুরেয়ে যান।

তোরাংত মিতে জড়িয়া বারো তোর বৃকে থাইতো ।

বার ফাক্তনে তোর গারিগং সাজিয়া মি আইতো ।

মঞ্জুরীগর কুরোহানাং মাধুরী ডালিয়া দিং,

বিবহ বাদলে তোর হৃদিগং অইবেতা নিংসিং ।

বিশাল যুতু দিয় আতে তার জীবনহানয়ে লর,

মোহন আধারে আকেইগী করে গুরিয়া গুরিয়া থর ।

লাল করেদের আরাধ জনমে হাবিরে নুয়াতা করে

ঔনাদে বার তোরেউ মি আয়া লইতোতাক বরে ।'

কোনো কবিতা

কোনো কবিতা

কোনো কবিতা

কোনো কবিতা

কোনো কবিতা



## আমার এ জনম এহান -

আমার এ জনম এহান

দেনারকা হাবির গজর শ্রেষ্ঠ দান

আমায়ে ডাহের,

দ্বির কান বুজিয়া বাজের—

হুঃখর আনন্দময় ডাক, তার আতে ফুলডাল,

আধারহানাং কতি অরা ধার ডাল !

আমিও হজাক অরা প্রস্তুত অরাহে আহি ।

পানারকা স্বার্থ বার ক্রমতার কঠিন আখাত আজি,

পারাহান লেহে

অবিচার আহি দেহে দেহে ।

দান্তিকর আঙুলিহে আলমার খোঁহগরে

তরু করে

দেব;

ইমার খতার মাত আমায়ে নাদের ।

পদে পদে

হেহেছি নায়র যুতা আহির যুতেনে ।

দুর্ভলরে দ্বিরবাই তোমার তিংখল

বুঝরমা অহে পুল পুল,

পানারকা সাদে আজি হরা অরা মাতের আমায়ে —

‘হুর না নহের তুমি না ডরের কারে’ !

বেগই ধরেহে আতে বিষ্ঠর ধাংজাং,

উগতে আপাত;

নাভানেহে সাহসীর কতিও পাংকাল !

বেগতে নাগই লাল,

মরণরে লালরা গেহেগা উগ, উগতে ইলেই লেই করে

নামরের ডরে ।

মৃত্যুরে করেই জয় ।

বেগর হুদিং নেই তর

হাঙা খাশালর সাদে ঠইগ কাহিরা,

আহিরা আহিরা,

বুকেয়া আভর কুরু কাংকরের মৃত্যুর খয়াং ।

কুমতার নিষ্ঠুর দয়াং

জিৎতা অয়া নাথার উগতে

বিদ্র বার মৃত্যুবুজা বিপদর পথে

তার পদযাত্রাহান ।

সহকারী দাভিকর অবহেলা অপমান

তারে বাধা কেনা হুয়ারের

হাবি বাধা বিদ্র বার বিপদ তা লালনি পারের ।

আনৈবগা কর

উজল কিয়ালহান গজে ভুলে দেব উগ নির্ভীক নির্ভর ।

আমার নভেছে মূর

লাজে-ডরে লকটর শকাহানে অহিতা আতুর;

কতিও পাহা

ভিক্রা মুটি আহানর সালে পাতেছি আমার হক আত ।

উল্লসকে নেই ঠইমামি,

পাছালর এয়েকনে আরাবকো অহি সল আমি ।

এরে আখারর পরে বর্জি না লাগেরা

মাহুর কতানে আমি আহি চেয়া ।

নেই মাত

আমার মতাই ।

পারা দিল কার নেই, মাটিহান দেই ভলে,

কুমতাই হলে বলে

মনার আমারে—লুপ্ত করে দেনা আকুবালা,

উহানর জালা

বিতরেদে পুড়ে পুড়ে ডহার সাহস,

স্বার্থপর বড়বড় হিংসাই আমারে আজি করেছে অবল ।

দেহিয়া উতার কালা রঙ

লুকানি মনাছি আজি আমার মেইখং ।



চারিবেঁটে আধারে এবাকা  
 আমার নিরালে আমি গছিয়ার কলঙ্কর সাকা ।  
 নড়েছে নিজর মূর আরাকো নড়েয়া  
 অসহায় অরা আমি আমার কলঙ্ক আহি চেয়া ।  
 সংসার সমুদ্রহান লালনি মনাছি আমি আহি জিপা জিপা ।  
 মাতিয়ার এতাহাবি হুঃখ জালা ইব্বরর কুপা !  
 দুর্বলর আসন্নায় নেই তাতে কুরাঙো আশ্রয় ।  
 যোগই নিজরে করে দুয়ারের জয়,  
 যে জাত মৃত্যুর ডরে ককরাগ অয়া থাই তারা  
 নিজর হংকরা ভরে নিজে কুরুতুময়া অলাঙ  
 তাহুর সালেদে নেই ক্ষমা,  
 নিজর আহির পায়ি জমা জমা জমা  
 আরাকো অক্ষম অয়া নিজর হুঃখই হাহাকায়ে  
 তাহুর কত রানায় ভাণ্ডার দুয়ারে চানায় ভীত কত  
 মাগতায় অপমান  
 তাহুর সাহায্য বিলা দিয়া নিজর সম্মান  
 তাহুর হুঃখতান মত পায়ি  
 কর্মহীন বীরহীন ইমেতে ডাঙর সায়া  
 কোলিল বিহুলা অয়া আহি ।  
 নিজর পাকালহান যোগই নাপাছি,  
 উত্তর সালেদে থার ইব্বরর অভিলাপ ।  
 কাপুরুষ অক্ষমর কুরুণ বিলাপ  
 এবাকা কিতাও কানা নেই  
 এতাই নিজরে আরো করে দেব লেই ।  
 পৃথিবীর আকপেয়ো নেয়র তাহুর ফাম  
 উত্তহানে যোগর আহি মাম ।  
 পরাজিত আত্মশক্তিহীন  
 হাবির উপেক্ষা পেয়া যে জাত অহিতা আজি ডরর অধীন,



হারতে নাপাছি তানু

যেতা মানু

দ্বিধা নেয়া মিকুপহানাং নাদেছি নিজর প্রাণ

উগর নেয়ছে নাই জিংতা অয়া থানারতা অধিকারহান ।

যে জিগ লাগের ডরে

ফুহানাং যাকরের নিতানি উগরে ।

ভয়ঙ্কর দাবানল

হাবি বিয়, হাবি বাধা লালর প্রবল অয়া, ডালর উজ্জল ।

দুঃখই আমার আজি অন্তরর থংমেই লাগাক

ডরর ছেয়াগ আর মুণ্ডেদে না থাক ।

আত্মার পাঙ্কালে আমি বলী অয়া

মৃত্যুহান আতে লয়া

তুলিকনে মুর এগী হাগহান শকছেগা ফিরালর সাদে ।

অকর্মণ্য অক্ষম অলয়া কাদে কাদে

না লালক দিন ।

কিয়াকা পাছতা হিন

যেগই নায়র সালে কাংকরের প্রাণ

হুয়া প্রাণ উগই হাবিরে দেব দান ।

ডর ভয় লাজর জিঞ্জুর বাগে দিয়া সঞ্জীবনী মন্তহান

তা করের দান ।

ত্যাগ বার তপস্যার কঠিন আঘাত

অন্তরে আনের জিগ, থতারমা মাত,

পাম্পলে বজ্রর শক্তি, বুকুদে, সাহস,

দর্পরে করের বশ ।

তার সালে অইতারা হাবি বীর্যবান ।

কলঙ্ক কালির সাকা হাবি অসন্মান

তার রকতর হতে হিনেয়া পবিত্র অর

মৃত্যুঞ্জয়ী উগতে অমর ।

আহ আহ ! তুলনে নঙেছে মুর সর্ষাদাল,

নিজর জীবন ডাল,

কাংকরোনে ঠই হাতোগরে  
 বার্তন করিয়া আনো তপস্যার কঠিন দুঃখরে,  
 এতা হাবি পেয়া অবিচার  
 নিজরে লুকেয়া থয়া জিংতা অনা নার ।  
 আছি আমি মরাতা মালয়া,  
 এখুরম মরে মরে জিংতা অনা, থানাতে পালয়া ।  
 কঠিন পাম্পলগীল থাকুরিক আমার ফিরাল  
 আমার তাগর ঙালে এ জনম অকথানি ঙাল ।

### জিঞ্জিনির এলা

এতা হাবি জিঞ্জিনি আমি থাইতে ।  
 জোনাকহানো কিয়া গজে কাইতে ॥  
 আমারেল নাইলেতে আধার অয়া থাক ।  
 হাদিং তি গজে কায়া নাও পানা নাক ॥

### গগা রাজার এলা

আমার কথা এগরাংত ডাঙর সাগর নেয়ছে ।  
 আমার রহন ছনতেগাতে আরতা হাবি লেয়ছে ॥  
 গাতগ বুজে ডাঙর অয়া আছু এহান নাদেখলাই ।  
 করিল কামতে আকতাউ নেই, মেইকথু অয়া কোলিং থাই ॥

### সেনারূপরে নিন্দা করেছি ঔতারে

গুরিয়া লেহাওজার বন বতা লতে ।  
 মাতেছি আমার সাদে আছি কইগতে ॥  
 আকদিন মানু আয়া কাপে দিলা লত ।  
 শাতৈল লেহাও বার বিলা বিলা গং ॥

## তোর সুর

পৃথিবীর আনন্দর যারি ছেয়ায় মিঙালে মায়া রচনা করিয়া

মোর ছরু ঠইগৎ তার দান দিয়া

মাতেয়া গেছেগা ইচুদিন !

হাবিগদে পাছু তার চিন ।

এরে মুক্ত আহি দগি ধয়া দিল অমৃত নিৰ্বরে,

মোর আতে ধরে ধরে

ডাহেছিল নাচিহু পথেদে

হপন রথেদে ।

মিতে

এলাহান দিতে দিতে

পাছরিয়া বিভুলা অলয়া

আতর বীণাগ আজি কুরাও আহেছু থয়া,

নেই সুর এবাকা মোরাং

তোর সুর হনিয়া এপেই বয়া থাং ।

## প্রকৃতির ঠইগৎ

প্রকৃতির ঠইগৎ যেতা বানা লুকেয়া আছিল

বসন্তর বনে বনে নুংলিপাল আজিতে সাজিল ।

আসাংপা উনাফিহানে বুকগরে গুরে নুয়ারের,

দক্ষিণ বোহান আয়া কানে কানে কি কথা মাতের ।

মুক্ত অয়া বউহানে বেরার কাকালি—বুলে বুলে

ডেঙে ডেঙে পাতাহানি নাছতারা হাবি পুলে পুলে

মেইথং থামপাল মধু পিনার সালেদে মধুকর

ফুলগর লেহে গিয়া মত্ত অয়া বিভুলা অলর ।

ইচুদিন আখুলীগ সালছিলী কার অভিসারে,


আজিতে সাজিয়া থায়া কুঞ্জগৎ বাসাছেতা তাবো ।



ছনার রথেদে কারা এখুঝম প্রিয় আহিতই  
 মিঙালে মিঙালে বানা সিতারেয়া আজি নার লই ।  
 আইনে মিঙাল আই ঙালকর ঠইগী আমার !  
 মিকুপ আহান আজি হুমহান আহক বানার ।

## হমাজি মোর

কুরাং থায়া তি ডাহোরী মোরে	হমাজি মোর !
তোর বোহানে জনম জনম	বেড়েয়া থর ।
কুরো বুজিয়া খুংতল দিলে	আহির পানি,
ঠইগং দিলে হুংশিপা এরে	হুংথ হানি ।
বুকগ সকয়া মধুর মরণ	রাতিরা অয়া,
তোরাংত আজি আহের গোপনে	কি পোঁ বয়া ।
কুরাংত তোর হুরগই আয়া	বুজার কান,
ইচু জনমর পিছেও পাউরি	তোর হে দান ।
দুরেই যুগর তোর স্মৃতিহানে	হপন মোর,
বুজিয়া থায়াও নিংসিংহান	হুংথ অর ।
কুরাং তোরে মি বেলেয়া আহেছু !	কুরাং পানা ।
পথগদে হাবি শিলয়া আছেতা	দেছং বান ।
ঔগদে মিতে সালছু তোরকা	দুরেই পথে,
আতে ধরে ধরে আনলে মোরে তি	এ ঠইগদে ।
বরণে বাদলে মিঙালে মামেদে	সাজিয়া কিয়া,
ডাহোরী মোরে ইদিতল তি	দুরেয়ে গিয়া ।
এবাকা আধারে যারগা মিঙাল	কুরাং থাং,
ঔতার আগে চিনিং তোরে মি	মাতনে নাঙ ।
ইচুদিন তোরে পেয়া নাপেয়াও	চিনানি নাছে ।
পাউরি হুদিং হুংহানল :	দি আতে আছে ।
মেইখুমহান সেচানে হমাজি	কাদাং আই ।
যেতা দেছিলে তি দিং বার তোরে	উতাহে নাই ।





ব্রজেন্দ্রকুমার সিংহ বিষ্ণুপ্রিয়া মণিপুরী ভাষা সাহিত্যৰ হাবিবাবা বৰা কবানিৰ দায়িত্ব নেছেগা। কবিতা, নাটক, ষাৰিৰ সৃষ্টিশীল বাৰা ঔতাদে গেছেগা ঔসাদে পৌৰেই ধাতু, বৰণ ডাহানিৰ এলা সংগ্ৰহ কৰিয়া সাহিত্য তত্বল বিতৰ্ক কৰিয়া হজাক মন আহানৰ পৰিচয় দেছে। আমাৰ অনুবাদ সাহিত্যহানাং তাৰ দান নিয়ামপাৰা। তাৰ বিষ্ণুপ্রিয়া মণিপুরী সাহিত্য কন্ম আমাৰ সমাজে শিক্তিল নাগৈ আৰ আৰ সমাজেউ স্বীকৃতি পাছে। নিখিল ভাৰত বঙ্গ সাহিত্য সম্মেলন গোহাটী শাখা, অসম সাহিত্য সভা, ঈদ সন্মিলনী ১৯৮৪ (হাইলাকান্দি) ভাৰতী সংঘ, বিষ্ণুপ্রিয়া মণিপুরী সাহিত্য সভা আদি প্রতিষ্ঠানে সখৰ্বনা, মানপত্ৰ বাৰ পুৰস্কাৰল তাৰে সন্মানিত কৰেছি। বিষ্ণুপ্রিয়া মণিপুরী সাহিত্য পৰিষদৰ সভাপতি জগৎমোহন সিংহ গিৰকে দ্বিতীয় গীতিস্বামী আখ্যা দেছিল। নিখিল বিষ্ণুপ্রিয়া মণিপুরী মহাসভাৰ সভাপতি গিৰকে মাতেছিল - (তাৰ) “কবিতা এতা হুনিয়া হাৰপেইলাং আমাৰ সাহিত্যহান কতি উন্নতি অছেতা!” ইন্দ্ৰজিৎ রাজকুমাৰে তাৰে বিষ্ণুপ্রিয়া মণিপুরী সাহিত্যৰ জনক বুলেছে। বৰ্তিকা পত্ৰিকাৰ মেইতেই ভাষাৰ প্ৰবন্ধ আহানাং তাৰে ছন্দো-গুৰু অভিধা দেছি। এৰে গিৰক এগই বিষ্ণুপ্রিয়া মণিপুরী ছন্দৰে প্রতিষ্ঠিত কৰে দিল বৈতালিক ভিত্তিত। আমাৰ ছন্দশাস্ত্ৰৰ আলোচনা কৰিয়া দায়িত্বহান লই নাকৰিয়া বিভিন্ন ছন্দল পৰীক্ষা-নিৰীক্ষা কৰিয়া ঔতাল কবিতা লেংকৰিয়া আমাৰ অপূৰ্ণ বাৰা আহানৰে পূৰ্ণ কৰে দিল। ভাবৰ বাৰাদে আমাৰে হাবিৰ লগে মান্না কৰেছে তাৰ কবিতাই। রূপৰ বাৰাদেউ তাৰ দান নিংসিং অয়া থাইতাঙাই। তাৰ ছন্দল মধুৰ রোমান্টিক কবিতাৰ সংকলন এহান আমাৰ সাহিত্য ভাণ্ডাৰগং খুৎতল দিয়ার।



সন্ধ্যা সিংহ  
পূৰ্ণিমা লেইরিক লেইমাং



পূৰ্ণিমা লেইরিক লেইমাং,  
জ্যোতিনগর, গোহাটী-২১